

四庫全書薈要

• 乾隆御覽本

子部

欽定四庫全書薈要

子部
太玄經卷二

臣王杰詳校

詳校官員外郎臣潘紹觀



太玄經目錄

卷首

陸績述玄一篇

王涯說玄五篇

太玄圖

卷一

從中至增第一



卷二

從銳至事第二

卷三

從更至應第三

卷四

從迎至昆第四

卷五

從減至晦第五

卷六

從曹至養第六

卷七

玄衝第七

玄錯第八

玄攤第九

玄瑩第十

卷八

玄數第十一

卷九

玄文第十二

玄掇第十三

卷十

玄圖第十四

玄告第十五

卷末

釋音

臣等謹案太玄經十卷漢揚雄撰晉范望注
漢書藝文志稱揚雄所序三十八篇太玄十
九列傳則稱太玄三方九州二十七部八十
一家二百四十三表七百二十九贊分為三
卷與太初歷相應又稱有首衝錯測攤瑩數
文挽圖告十一篇皆離散其文章句尚不存
焉與藝文志十九篇之說已相違異桓譚新

論則稱太玄經三篇傳十二篇合之乃十五篇較本傳又多一篇案阮孝緒稱太玄經九卷雄自作章句隋志亦載雄太玄經章句九卷疑漢志所云十九篇乃合其章句言之然十四篇益以九篇乃得二十三與十九之數亦不符以今世傳本校之其篇名篇數與本傳皆合固未嘗有所脫佚或章句本五篇後人析為九篇故篇數舛異而桓譚新論則轉

相傳寫訛十一為十二歟今章句與桓譚新
論皆已久佚其異同則不得而詳矣注其書
者自漢以來惟宋衷陸績最著至晉范望乃
因二家之注勒為一編雄書本擬易而作以
家準卦以首準彖以贊準爻以測準象以文
準文言以攤瑩祝圖告準繫詞以數準說卦
以衝準序卦以錯準襍卦全仿周易古今經
傳各自為篇望作注時析玄首一篇分冠八

十一家之前析玄測一篇分繫七百二十九
贊之下始變其舊至今仍之其書唐藝文志
作十二卷文獻通考則作十卷均名曰太玄
經注此本十卷與通考合而卷端標題則稱
晉范望字叔明解贊考玄測第一條下有附
注曰此是宋陸二家所注即非范望注也盖
范望採此注意自解經贊儒有近習罔知本
末妄將此注升于測曰之上以襍范注混亂

義訓今依范望正本移于測曰之下免誤學
者已下七百二十九測注並同云云考望自
序亦稱因陸君為本錄宋所長捐其所短并
首一卷本經之上散測一卷注文之中訓理
其義以測為據然則望所自注特其贊詞其
他文則酌取二家之舊故獨以解贊為文今
槩稱望注要其終而目之耳卷端列陸績述玄
一篇據陳振孫書錄解題為范本所舊有又列

王涯說玄五篇又列釋文一卷則不知何人

附入其太玄圖旁范望本末及玄首玄測之

首尾凡附記八條卷末又有一跋均不署名

氏考序後附記稱近時林瑀瑀與賈昌朝同

時則此九條當出北宋人手又王涯說玄之

末附題一行云右迪功郎充兩浙東路提舉

茶鹽司幹辦公事張寔校勘則附記或出于

寔歟其釋文一卷亦不著名氏考鄭樵通志

太玄經釋文一卷亦林瑀撰疑寔刊是書時
併以涯之說瑀之釋文附麗而行也乾隆四
十二年十月恭校上

總纂官臣紀昀臣陸錫熊臣孫士毅

總校官臣陸費墀

太玄經卷首

陸績述玄一篇

績昔嘗見同郡鄒邠字伯岐與邑人書嘆揚子雲所述
太玄連推求玄本不能得也鎮南將軍劉景升遣梁國
成奇修好鄆州奇將玄經自隨時雖幅寫一通年尚暗
稚甫學書毛詩王誼人事未能深索玄道真故不為也
後數年專精讀之半歲間粗覺其意於是草創注解未

能也章陵宋仲子為作解詁後奇復銜命尋盟仲子以
所解付奇與安遠將軍彭城張子布績得覽焉仲子之
思慮誠為深篤然玄道廣遠淹廢歷載師讀斷絕難可
一備故往往有違本錯誤績智意豈能弘裕顧聖人有
所不知匹夫誤有所達竊緣先王詢于芻蕘之誼故遂
卒有所述就以仲子解為本其合於道者因仍其說其
失者因釋而正之所以不復為一解欲令學者瞻覽彼
此論其曲直故合聯之爾夫玄之大義揅著之謂而仲

子失其旨歸休咎之占靡所取定雖得文間義說大體乖
矣書曰若網在綱有條而弗紊今綱不正欲弗紊不可得
已績不敢苟好著作以虛譽也庶合道真使玄不為後世
所尤而已昔楊子雲述玄經而劉歆觀之謂曰雄空自苦
今學經者有祿利然尚不能明易又如玄何吾恐後人用
覆醬瓿雄笑而不應雄卒大司空王邑納言嚴尤聞雄死
謂桓譚曰子常稱揚雄書豈能傳於後世乎譚曰必傳顧
君與譚不及見也班固贊序雄事曰凡人貴遠賤近親見

揚雄祿位容貌不能動人故輕其書揚子雲之言文誼至
深論不詭於聖人若使遭遇時君更閱賢智為所稱善則
必度越諸子矣自雄之沒至今四十餘年其法言大行而
玄終未顯又張平子與崔子玉書曰乃者以朝賀明日披
讀太玄經知子雲特極陰陽之數也以其滿汎故故時人
不務此非特傳記之屬心實與五經擬漢家得二百歲卒
乎所以作興者之數其道必顯一代常然之符也玄四百
歲其興乎竭已精思以揆其義更使人難論陰陽之事

足下累世窮道極微子孫必命世不絕且幅寫一通藏之以待能者續論數君所云知揚子雲太玄無疆也歆云經將覆沒猶法言而今顯揚歆之慮尋於是為漏固曰法言大行而玄終未顯固雖云終不必其廢有愈於歆譚云必傳顧譚與君不見也而玄果傳譚所思過固遠矣平子云漢之四百其興乎漢元至今四百年矣其道大顯處期甚效厥迹速其最復優乎且以歆歷譜之隱奧班固漢書之淵弘桓譚新論之深遠尚不能鏡照

玄經廢興之數況夫王邑嚴尤之倫乎覽平子書令子
玉深藏以待能者子玉為世大儒平子嫌不能理但令
深藏益明玄經之為乎驗雖平子焯亮其道處其熾興
之期人之材意相倍如此雄難曰師曠之調鍾侯知音
之在後孔子作春秋冀君子之前睹信哉斯言於是乎
驗雄受氣純和韜真含道通敏叡達鉤深致遠建立玄
經與聖人同趣雖周公繇大易孔子修春秋不能是過論
其所述終年不能盡其美也考之古今宜曰聖人昔孔

子在哀周之時不見深識或遭困苦謂之佞人列國智士稱之達者不曰聖人唯弟子中言其聖耳逮至孟軻孫卿之徒及漢世賢人君子咸並服德歸美謂之聖人用春秋以為王法故遂隆崇莫有非毀揚子雲亦生哀亂之世雖不見用智者識焉桓譚之絕倫稱曰聖人其事與孔子相似又述玄經平子處其將興之期果如其言若玄道不應天合神平子無以知其行數若平子瞽言期應不宜效驗如合符契也作而應天非聖如何昔

詩稱母氏聖善多方曰惟聖罔念作狂惟狂克念作聖
洪範曰睿作聖孟軻謂柳下惠作聖人由是言之人之
受性聰明純淑無所繫輒順天道履仁誼因可謂之聖
人何常之有乎世不達聖賢之數謂聖人如鬼神而非
人類豈不遠哉凡人賤近而貴遠聞績所云其笑必矣
冀值識者有以察焉

王涯說玄五篇

明宗一

玄之大旨可知矣其微顯闡幽觀象察法探吉凶之朕
見天地之心同夫易也是故八十一首擬乎卦者也九
贊之位類夫爻者也易以八八為數其卦六十有四玄
以九九為數故其首八十有一易之占也以變而玄之
筮也以逢是故數有陰陽而時有晝夜首有經緯而占
有旦夕參而得之謂之逢考乎其辭驗乎其數則玄之
情得矣或曰玄之辭也有九玄之位也有四何謂也曰
觀乎四位以辯其性也推以柔剛贊之辭也別以否臧

是故四位成列性在其中矣九虛旁通情在其中矣譬

諸天道寒暑運馬晦明遷馬合而連之者易也分而著

之者玄也四位之次曰方曰州曰部曰家最上為方順

而數之至於家家一一而轉而有八十一家部三三而

轉故有二十七部州九九而轉故有九州一方二十七

首而轉故有三方三方之變歸乎一者也一謂一玄也是故

以一生三以三生九以九生二十七以二十七生八十

一三相生玄之數也三長直亮切者七八九得一二三法

備

一為天二為地三為人其數周而復始於八十一首

故為二百四十三表也一首九贊故有七百二十九贊
其外躋羸二贊以備一儀之月數立天之道有始中終
因而三之故有始始始中始終及中始中中中終及終
始終中終終立地之道有下中上立人之道有思福禍
三三相乘猶終始也以立九贊之位以窮天地之數以
配三流之元故玄之首也始於中中之始也在乎一一
之所配自天元甲子朔旦冬至推一晝一夜終而復始

每二贊一日凡七百二十九贊而周為三百六十五日
節候鍾律生踵斗指於五行所配咸列著焉以應休咎
之占說陰陽之數故不觀於玄者不可以知天不窮渾
天之統不可以知人事之紀故善言玄者之於天人變
化之際其昭昭焉故俛俛而行者不避川谷賸賸而聽
者不聞雷霆其所不至於顛殞者幸也非正命也

立例二

夫玄深矣廣矣遠矣大矣而師讀不傳者何耶義不明

而例不立故也夫言有類而事有宗有宗故可得而舉
也有類故可得而推也故不得於文必求於數不得於
數必求於象不得於象必求於心夫然故神理不遺而
賢哲之情可見矣自楊子雲研機櫟數創制玄經唯鉅
鹿侯芭子常親承雄學然其精微獨得章句不傳而當
世俗儒拘守所聞迷忽道真莫知其說遂令斯文幽而
不光鬱而不宣微言不顯師法殆絕道之難行也若是
上下千餘載其間達者不過數人若汝南桓譚君山南

陽張衡平子皆名世獨立校乎羣倫探其精必謂其不
廢厥後章陵宋衷始作解詁吳郡陸績釋而正之於是
後代學徒得聞知其旨而玄體散剝難究其詳余因暇
時竊所窺覽常廢書而歎曰將使玄經之必行世也在
於明其道使不昧夷其途使不藉編之貫之瞬若日月
則揚雄之學其有不興者乎始於貞元丙子終於元和
己丑而發揮注釋其說備矣夫極元微盡玄之道在於
首贊之義推類取象彰表吉凶是故其言隱其方逮案

之有不測之深抽之有無窮之緒引之有極高之旨至
於瑩攤錯衡文數圖告此皆互舉以釋經者也則夫首
贊之義根本所繫枝葉華藻散為諸玄而先儒所釋詳
其末略其本後學觀覽不知其言殫精竭智無自而入
故探玄進學之多或中道而廢誣往哲以自為切問學
淺道缺而賢人志士之業不嗣也故因宋陸所略推而
行之其所詳者則從而不議也所釋止於首贊又并玄
測而列之庶其象類曉然易知則玄學不勞而自悟矣

玄之贊辭推本五行辯明氣類考陰陽之數定晝夜之
占是故觀其施辭而吉凶善否之理見矣苟非其事文
不虛行觀其舊注既以闕而述雖時言其義又本其所
以然蓋易家人例有得位失位有無位之說以辯吉凶
之由是故玄本數一晝一夜剛柔相推晝辭多休夜辭
多咎奇數為陽耦數為陰首有陰陽贊有奇耦同則吉
戾則凶自一至九五行之數首之與贊所遇不同相生
為休相克為咎此其大較也至於類變因時制誼至道

無體至神無方亦不可以一理推之然則審乎其時察

乎其數雖糾紛萬變而立言大本可得而知又吉凶善

否必有其例

晝休
夜咎

至有文似非吉而例則不凶深探其

源必有微旨此最宜審者也至於準繩規矩不同其施

舊說以為非吉然此首為戾其辭皆始戾而終同如規

矩方圓之相背而終成其用若琴瑟之專一孰聽其聲

圓方之共形豈適於器此其以戾而獲吉也其有察辭

似美而推例則乖者至如土中其廬設其輿居土之中

乘君之乘吉之大者也而考於其例

當夜

理則當凶推其

所以然則廬者小舍也

漢制宿衛者有直廬在殿庭中

土中正位也小

人而居正位又乘君子之器禍其至焉故下云厥戒渝

也凡此之例略章一事以明之餘則可以三隅返也又

如中之上九既陽位又當晝時例所當吉而羣陽亢極

有巔靈之凶與易之亢龍其義同驗如此之類又可以

例推所謂玄之又玄衆所不能知也又一首之中五居

正位當為首主宜極大之辭究而觀之又由美辭去六

者然則陰首以陰數為主陽首以陽數為首其義可明
玄之大體貴方進賤已滿七與八九皆居禍中而辭或
極美者窮則變極則反也大抵以到遇之首為天時所
逢贊為人事居戾之時則以得戾為吉處中之時則以
失中為凶消息盈虛可以意得其餘義例分見注中庶
將來君子以覽之也

揲法三

經曰凡筮有法不精不筮不軌不筮不以其占不若不

筮當其致精誠厥有所疑然後陰言其事呵策訖乃令

著曰假太玄假太玄孚貞爰質所疑於神於靈休則逢

陽星時數辭從咎則逢陰星時數辭違此已上並令著辭天之

策十有八地之策十有八地虛其三以扮三扮配也猶大

衍之數五十其用四十有九故玄筮以三十三策令著

既畢然後別分一策以掛於左手之小指中分其餘以

三揲之并餘於芳此餘數欲盡時餘三及二一也又三數之并芳之後便都數之

不中分矣前餘數欲盡時至十已下得七為一畫餘八及芳不在數限

為二畫餘九為三畫凡四度畫之而一首之位成矣玄
之有七八九猶易之有四象也易卦有四象之氣玄首
有三表之象

占法四

首位既成然後有陰陽晝夜經緯所逢占之欲識首之
陰陽從中至養以次數之數奇為陽數耦為陰數晝夜
者九贊之位於陽家則一三五七九為晝二四六八為
夜於陰家則一三五七九為夜二四六八為晝經者謂

一二五六七也旦筮用馬緯者三四八九也夕筮用馬
日中夜中雜用一經一緯凡旦筮者旦占用經當九贊
之一五七也遇陽家則一五七並為晝是謂一從二從
三從始中終皆吉遇陰家則一五七並為夜是謂一違
二違三違始中終皆凶

旦筮則一五七為所逢之贊而占決馬二六九為日中故經云

晝夜散者禍福雜也

凡夕筮者占其中用緯當九贊之三四八也

遇陽家始休中終咎若日中夜中筮者二經一緯當九
贊之二六九也遇陰家始中休終咎所用贊下為始次

為中上為終故經曰觀始中決從終大抵吉凶休咎在
晝夜從違若欲消息其文則當觀首名之義及所遇贊
辭與所筮之事察其象稽其美惡則立之道備矣或有
晝夜既從而首性贊辭遇於迓戾則可用也經云星時
數辭從星者所配之宿各以其方與本五行不相違克
也假如中首所配牽牛北斗水行與首同德是星從也
時者所筮之時與所遇節氣相逆順也假如冬至筮遇
十月已前首為逆冬至已後首為順也數者陰陽奇耦

之數以定所遇之晝夜夜為咎晝為休辭者九贊之辭
與所筮之意相違否也凡此四事並當參而驗之從多
為休違多為咎

辯首五

天玄二十七首

中周礪閑少戾上千狩羨差童增銳達交與僕從進釋
格夷樂爭務事

地玄二十七首

更斷殺裝衆密親飲彊醉盛居法應迎遇竈大廓文禮
逃唐常度永昆

人玄二十七首

減唵守翕聚積飾疑視沈內去晦膏窮割止堅成闕失

劇馴將難勤養

中者萬物之始且得中

辨首之辭
具任經注

九雖當畫亢極凶狩

者臨也進萬物扶陽而進九雖當畫終亦凶也


親者貴以其身下人則親交之道著八雖當畫而處亢

不能下人故君子去之也應者應時施宜五七九當盡
吉自此後陰生故有戒也大者陽氣盛大象豐卦九為
大極雖得盡而微凶

陰者陰陽不通象否卦二四六八當盡當陰之時不能
無咎極亦凶也窮者萬物窮極思索權謀自濟也九處
窮極盡亦凶

右迪功郎充兩浙東路提舉茶鹽司幹辦公事張寔校勘
太玄經卷首

太玄圖



揚氏始著玄時已有此圖後世妄儒多稱已撰誣罔世俗不為媿恥况范望注玄圖云圖畫四重解釋甚明學者宜繹焉

太玄經卷一

漢 楊雄 撰

晉 范望 注

贊曰揚子雲處前漢之末值王莽用事身繫亂世遜
退無由是以朝隱官爵不徙昔者文王屈抑而繫易
仲尼當衰周而述春秋為一代之法以彰聖人之符
子雲志不申顯於是覃思耦易著玄其道以陰陽為
本比於庖犧之作事異道同福順禍逆無有主名桓

譚謂之絕倫張衡以擬五經非諸子之疇也自侯芭受業之後希有相傳受者乃劉建安年中故五業主事章陵宋衷鬱林太守吳郡陸績各以淵通之才窮核道真為十篇解釋足以根其祕奧無遺滯者已然本經三卷雖有章句辭尚婉妙並宜訓解且此書也淹廢歷久傳寫文字或有脫謬宋君創之於前鬱林釋之於後二注并集或相錯雜或相理致文字猥重頗為繁多於教者勞於誦者勸望以閤固學不博識

昔在吳朝校書臺觀後轉為郎讎講歷年得因二君
已成之業為作義注四萬餘言寫在觀閣亡其本末
今更通率為注因陸君為本錄宋所長捐除其短并
首一卷本經之上散測一卷注文之中訓理其義以
測為據合為十卷十萬餘言意思褊淺猶懼不能發
暢揚氏幽微之旨裨閭後學未覺也

揚氏始作之本
已畫方州部家

四位定五行之數分七百二十九贊為天地人三玄
惟宋陸注本不畫首象其餘侯芭虞翻注本並畫首
象近世林氏撰玄後序云瑀今以舊經方州部家隨
首畫象以四位之數列首之下五行之性參次其中

三材之儀各從方立并測之辭散於贊末若此數事皆范叔明注時所定今林氏以為己意未知孰是故

兩存

焉

從中至增第一

馴乎玄渾行無窮正象天

馴順也玄天也渾渾天之儀渾淪而行也無窮謂晝夜不

休無窮已也玄正取象於渾天故言正象天也○此玄首都序也揚氏本連首辭自為一卷范望解贊時升此序於經之首將首辭散在八
陰陽地參
參三也地比也十一首方州部家注之下以陰陽相次而

三三相乘
以一陽乘一統萬物資形

資者取也陰陽相參以為三方一陽

轉為九矣
即一方也一統則天統也舉一方一統則二方二統可知也三統相承以主萬物故萬物取形於是也
方

州部家三位踈成

踈大也言陰陽乘三統為方州部家大數則三統之位乃大成也

曰

陳其九九以為數生

言三方一位乃運為八十一首陳列乎其中故言九九以數生也

贊上羣綱乃綜乎名

贊九贊之辭也羣綱諸陽也陽動則陰從言諸綱動於上乃綜理衆

首之名性故言乃綜乎名也

八十一首歲事咸貞

貞正也八十一首周流一歲之事候

司八節各得其正故言咸貞也

○此玄首都序畢

盛哉日乎丙明離章五色淳

光

盛哉者數美之言也丙炳也離散也五色五行之方色也言日炳然明朗光耀離散於天下久隨其物色

光采淳明也○此玄測都序也測準夫子贊易諸爻之下象辭也十一篇中自為一卷至范望解贊時升此序

於經首將測辭散於逐贊之末

夜則測陰晝則測陽晝夜之測或否或

臧則知陰一陰一陽故或善或否矣臧善也測知也言日晝則知陽夜陽推五福以類升

五福壽富康寧好德終命陽為吉故與五福升也陰幽六極以類降降下也六極凶短折

疾憂貧惡弱陰為凶故與六極退下也升降相關大貞乃通貞正也關交也陰陽升降

更相交錯天道大正氣節通也經則有南有北緯則有西有東東西為緯南北

為經經緯相錯以成天文也巡乘六甲與斗相逢巡行也六甲日之幹也言日行乘六

甲周而復始以成歲事日右斗左故相逢也歷以記歲而百穀時雍時調也雍和也

歷者羲和氏所謂歷象日月者也期三百有六旬有六日以閏月定四時是也四方之事得故百穀調和也

○此玄測都序畢



方一州中

此首名也天玄陽家卦

陽氣潛萌於黃宮

信無不在乎中

行屬於水謂之中者冬至之節日起牛宿一度斗建子位律中黃鍾夏之十一

月也萬物萌芽於黃宮之中故名此首為中也土為宮性其色黃言潛萌於黃宮也水色玄玄為天天在地外天玄地黃是以為經之首○此玄首辭也象易象曰大哉乾元已下之辭也太玄列渾天為八十一家各有姓名序運周普班固曰揚子作太玄為其太曼德而不可知故作首銜錯測攤瑩數文規圖告凡十一篇以解剥玄體此乃一篇并序自為一卷宋衷解詁陸績釋失共為一注至范望解替時采宋陸二家之義錄長捐短就加新意以成此注初一昆侖旁薄幽昆渾也侖淪也天之象也旁薄散於八十一首之下猶彭齔也地之形也幽隱也言天渾淪而包於地地彭齔而在其中天之晝夜運周一度日或隱或見見照四

方隱故稱幽言日在地下幽隱不見也一者水也家性為水天之出入利涉大川而四時辰極各得其正也○此九贊之辭後人目為經辭也楊氏本以七百二十九贊分天地人自為三卷其辭之下宋陸無注晉范望訟宋陸注測之義專解此贊自成一家次於逐首辭下而削去舊注日星節候上中下度數今且據范望本不添也

測曰昆侖旁薄思諸貞也

言天運行○此是宋陸二唯以正也家所注即非

范望注也蓋范望采此注意自解經贊儒有近習周知本末妄將此注升於測曰之上以雜范注混亂義訓今依范望正本移於測曰之下免誤

陰陽

二火也在中為心心藏神內為玄陰陽爭為戰兩敵稱陳十一月之時於消息為復陽當消陰陰陽

次二神戰于玄其陳

相克故**測曰神戰于玄善惡并也**陽善陰惡相并奪也**次三龍出**

言戰也

于中首尾信可以為庸

庸法也三木也木在東方故稱龍也春陽之氣萬物所出故稱

出也言首尾可以為法者首出庶類萬物資始故其首尾可以為法也

測曰龍出于中見

其造也

首出庶物造成之也

次四庫虛無因大受性命否

四金也廢則為

陰陰道卑虛無所因緣待陽唱導乃和而承之欲大受反陰之義故否也

測曰庫虛無否不

能大受也

陰道默從故不能也

次五日正于天利以其辰作主

五為

天子日君象也五亦為土君而有土參明於日故為天子也中央之位四方之所歸故為主也日之加午光照天下主正四方故云利也

測曰日正于天貴當位也

貴在中央宜天位也

次六

月闕其博不如開明于西

六水之廢也月水之精也在廢之行故闕也生明於西日

以就威到十六毀園於東方故不如開明於西也

測曰月闕其博明始退也

臣道

毀闕故明退也

次七酋酋大魁頤水包貞

七火也酋就也魁藏也包取也火始王水

流下萬物當成就業冬藏而養之各得其正也

測曰酋酋之包任臣則也

臣主

收斂故任其則也

次八黃不黃覆秋常

八為木木上玄下黃故以黃論黃亦中央之色

八亦上體之中黃宜中不中者敗其成就之法也

測曰黃不黃失中德也

宜中不中

故失德也上九巔靈氣形反

九為金萬物之所終也物之所終亦於九贊亦終於九也巔下

也死氣為魂其形為魄魄登於天魄歸於地故言反也登則為神故謂之靈也

測曰巔靈之反

時不克也

克堪也天命終訖非所堪也



方一州
部二家
周天玄陰家二火

陽氣周神而反乎始物

繼其彙

行屬於火謂之周者冬至之後陽氣之所始也
周復也易曰七日來復是也彙類也言萬物各

繼續其類周復其道故謂之周
周之初一日入牛宿五度也

初一還於天心何德之

僭否

僭差也否不也水性周行天心至仁家性為火而
水居之當依至仁之德而欲克本是為過故否也

測曰還心之否中不恕也

本末相克故不恕也

次二植中樞周無

隅

二火也正午為中樞立則運言二極相當為天杠抽
運周晝夜故言無隅隅方也晝夜周運言二極無方

常也測曰植中樞立督慮也

慮度也督正也
運以正度也

次三出我

入我吉凶之魁

魁藏也我謂三也三為木火之母也火
無木不盛火盛則消木夫為人子無克

母之義夫為人母無證子之道其有測曰出我入我不
吉有凶猶相為隱故言吉凶之藏也

可不懼也

一則以喜何可不懼也

次四帶其鈎鞶錘以玉鐶

四金也其

於九贊在中而下腰之象也腰中之金故謂之鈎鈎無
帶不立帶無鈎不著相須成體以自申束不失禮節可
以為王臣故有測曰帶其鈎鞶自約束也

約束其身不失於禮法也

次五土中其廬設于金輿厥戒渝

渝變也易曰君子得車尚可載也五以中

和之德而處金輿之位出命行令以御下
臣言戒渝者安不忘危故自戒無變周也

測曰廬金戒

渝小人不克也

安不忘危不為小人所勝也克勝也

次六信周其誠上通

于天

亨通也六為宗廟君之所奉聖君奉神唯信唯誠故其肅敬通於天也

測曰信周其

誠上通也

奉神以信故上通也

次七豐淫見其朋還于蒙不克從

朋謂二也二七合于南見其朋故知為二也七火之王家性為火朋合故曰豐淫言淫衍也而在周家周而復

始故曰還也蒙者蒙蒙二火朋合未知所正故無所克而從之也

測曰豐淫見朋不能

從也

蒙蒙未除故不能從也

次八還遇躬外其禍不大

躬身也八為禍中故

言禍也雖則遇禍不入於身故不大也在禍之中藏不入已為衆所明也

測曰還遇躬外禍

不中也

非已之藏故不中也

上九還于喪或弃之行

九為金而在火家為火所

爍故言喪也亦在秋位萬物所終還而遇喪非家禍故或弃之行也

測曰還于喪其道窮

也

還而遇喪故道窮也



一 方一州
部三家

賢 天玄陽家三木
下上象屯卦

陽氣微動動而礧礧物

生之難也

行屬於木謂之礧者礧難也冬至之節陽氣微動生萬物礧而難也故謂之礧礧之初一

日入女宿二度也

初一黃純于潛不見其畛藏鬱于泉

畛根也
變化也

此言十一月之時陽氣潛在地下養萬物之根茲在黃泉之下不見其根鄂也

測曰黃純于潛

化在嘖也

嘖情也不見其根故化由其情也

次二黃不純屈于根

二在下

木下有火故相屈也不純者火色黃白色故曰不純也易賁卦曰山下有火黃白色也

測曰黃不純

失中適也

不純故不適也

次三赤子扶扶元貞有終

元始也扶扶幼小之

貌也人之幼小可成可敗故當正之於始也家性為木三亦為木以本扶本故有終也

測曰赤子

扶扶父母瞻也

幼教長正父母之所瞻視者也

次四拔我不德以力不

克

金者乾乾強健故為力磳難之世萬民勞瘁四處臣位拔之以德恃其強力故不克也

測曰拔

我德力不堪也

以力濟世非所堪也

次五拔車山淵宜於大人

性家

為磳土而為磳難山淵象也車在其中唯大人而拔之五為天子故稱大人民溺于世唯大位而濟之也

測

曰拔車山淵大位力也

大位謂若周公東征禹導九河是其力也

次六將其

車入于丘虛

水為峻難將車入峻在於丘墟之中非所以濟世也車以喻君君而隨臣臣道不正

猶入測曰將車入虛道不得也

言不得君臣之道也

次七出險登

丘或牽之牛

火生土故為丘七為絲繩之所用故言牽牛牛土畜也出險登丘為牛所引猶紂時

之民見酷日久而過文王拔之於死如出險之車登在高丘為牛所引離於難也

測曰出險登

丘莫之伐也

比力如牛非所伐也

次八車不拔髀軸折

家性磳難八有車象

秋木被刑重自艱難牛不能引折髀敗軸不能濟也

測曰車不拔躬自賊也

艱難之世

賊其身也

上九崇崇高山下有川波其人有輯航可與過其

其辭也輯航所以濟難也九為金故稱山崇高之山而有川波明其難也波川之險須輯航而濟之磳難之世須聖人而拔之也

測曰高山大川不輯航不克也

克能也言非輯航不能濟

三

一 方一州 二 部一家 閑

天玄陰家四金中下亦象屯卦

陽氣閑於陰磳然物咸

見開

行屬於金謂之開者冬至氣終此首之次三小寒起於此首之次四陰雖盡於下而猶壯於上故能

防開磳磳焉而萬物亦皆見其防開初一日入女宿六度初一蛇伏於泥無

雄有雌終莫受施

一在金世子母相扶可以養物季冬土伏若雌之象故言有雌雄以諭龍

而言蛇者伏在地中形未大變故以蛇諭

測曰蛇伏于泥君不君也

龍而蛇伏故不

也君者次二開其藏固珍寶

開開也珍寶美道也二為平人而在開家故自防開不與

流俗守其善道而已也

測曰開其藏中心淵也

淵深也守道求已德之深也次

三關無鍵舍金管

三木故稱關鍵籥也關而無籥故舍金管也開開之家宜明管籥以止出

入金而無鍵故舍管也

測曰關無鍵盜入門也

無鍵之門盜入之也

次四拔

我輓輓小得利小征

我我萬民也輓輓喻信也語曰大車無輓小車無軌此之謂也四臣

道也有佐於君牧養萬民之義非信不立故拔之以信征行也以信教民故可以行故曰小征也

測曰

拔我輓輓貴以信也

治民以道信行於下也

次五磳而閑而拔我

姦而非石如石厲

厲危也五為土土中之難石之象也磳閑之世萬事皆難五處尊位當拔

除其姦非石之固而使如石故危也

測曰磳閑如石其敵堅也

如石不拔故堅也

次六閑黃埃席金第

六為宗廟營衛也五土也五堵為埃黃中也宗廟之中故有黃埃之

室金第之牀也

測曰閑黃埃以德固也

以君之德固

次七跂跂

閑于遽除或寢之廬

跂跂惡貌也七為無道故曰遽除遽除之人不能俯者也家性為閑

當防閑惡人以清王道防而不測曰跂跂之閑惡在舍

固讒惡進入故或寢之廬也

也讒人進入故在舍也次八赤臭播關大君不閑克國乘家赤臭惡人

也八東方也帝之所出故稱大君而有惡人播關測曰

欲入大君故閑距而不內故稱勝國乘家之勢也

赤臭播關恐入室也惡人在外恐入其室也上九閑門以終虛性

為閑世自閑又有惡人欲入其室九為位終終自閑防故虛也

可實也虛已受賢故終不實身以情欲也測曰閑門以虛終不

䷋

一方一州二部二家少天玄陽家五土中中象謙卦

陽氣澹然施于淵物謙

然能自藏行屬於土謂之少者陽氣澹然溫和萬物於土中萬物始自藏幼故謂之少少之初一日

入女宿十一度 初一冥自少眇于謙

眇微也為土所克而自戴幼故微於謙也謙尊而光

故冥也 測曰冥自少不見謙也

謙光之家以不見為貴也

次二自少不

至懷其卹

火在土家子母相養以至孝道故已少不至卹憂也見衰則懼故憂也

測曰自

少不至謙不成也

謙虛之道若不成也

次三動戴其得人主之式

戴少也式法也三為進人進德修業以謙為本終當居位君臨百姓故其以少得人主之法也

測曰戴

其得人謙貞也

謙以得民是其正也

次四貧貧或妄之振

四為下祿金性

剛強而在少家祿下而少故曰貧貧三為四財故曰妄振也

測曰貧貧妄振不能守

正也

妄受振救故不守正也

次五地自沖下于川

五為土而在土世故稱地也沖

虛也家性為少土而虛少故受百川
也易曰君子以虛受人此之謂也
測曰地自沖人之

所聖也

必受邦國為聖君也

次六少持滿今盛後傾

傾謂七也盛為六也六為

水七中最盛莫多於水故稱盛也盛則盈故傾也

測曰少持滿何足盛也

盈則溢故

不足美盛也

次七貧自究利用見富

富謂八也八為木貧為七七為火火貧故利木

富也大非木不生母大則子盛故利木富也

測曰貧自究富之聘也

子貧母富故相

求次八貧不貧人莫之振

八木之廢也秋木葉落葉落歸林是其充富枝枝扶疎外

以是貧其實不貧故莫振也

測曰貧不貧何足敬也

不貧稱貧故不足敬也

上

九密雨溟沐潤于枯瀆三日射谷

金生水故為雨雨之細者稱溟沐細密之

而能潤於枯瀆況於谷邪射厭也谷之受水而加以霖故厭也測曰密雨射谷謙之靜

也

細以致多猶謙以致尊也

三

二方一州二部三家 庚 天玄陰家六水中上象睽卦

陽氣乎微物各乖離而

觸其類

行屬於水謂之庚者言陽氣信微而萬物乖離射地而出觸類相將故謂之庚庚之初一日入

虛宿 初 一虛既邪心有傾 家性為庚水無乖庚故虛也初為下人人下而邪故心傾

也乖庚之家每事失正故危也 測曰虛邪心傾懷不正也 其危在心故不正也 次

二正其腹引其背首貞

首就也貞正也腹以喻內背以喻外自內及外自近及遠君臣

道正故就貞也 測曰正其腹中心定也 內外以正故定也 次三庚其腹

正其背

華庚之家動失其實不正其內而正其外故腹庚也

測曰庚腹正背中外

爭也

故致爭也

次四夫妻反道維家之保

四者兌位故為妻陰也所

尊則為夫也夫在其外妻在其內故反道也各反其事則家道正故可保也

測曰夫妻反道

各有守也

各守其正者也

次五東南射兕西北其矢

五為土土生金故為

弓矢牛土畜也故為兕家性為乖兕在東南而矢西北明其乖也

測曰東南射兕不得其

首也

首向也乖庚之家失其所向也

次六準繩規矩不同其施

水者平平齊也

故為準繩家性乖離所施各異故不同也

測曰準繩規矩乖其道也

所施不同故道

乖也次七女不女其心予覆夫諱

七為仲女乖庚之家故不女也七陽位也故稱

夫諱謀也予我也我謂五也心在於五欲下求正陽婦人之義無非無儀今七為女而與外謀故曰不女也

測曰女不女大可醜也

女而不女故可醜惡也

次八殺生相矢中

和其道

生為兇也九克於八故殺生也矢垂也射兇東南而矢西北故相垂也八在土中故和也

測

曰殺生相矢中為界也

雖其垂猶以中和自界限也

上九倉靈之雌

不同宿而離失則歲之功垂

倉者東方靈神神為歲星也五星失度則妖祥生妖

祥生則歲功不登也

測曰倉靈之雌失作敗也

年歲不豐故敗也

☳

一方一州上

天玄陽家七火上下象升卦

陽氣育物于下咸射地

而登乎上

行屬於火謂之上者小寒之氣萬物為陽氣所有養於下皆射地而上故謂之上上之初

一日入虛宿八度也

初一上其純心挫厥鏘鏘

家性為上而本火世火性炎上故曰

鏘鏘也以水克火故曰挫也水性專一故稱純心也

測曰上其純心和以悅也

純心

自抑故和悅也

次二上無根思登于天谷在于淵

上家火世二亦火也故思

登于天雖其欲上當由其本進而無根雖得高位所不貴也

測曰上無根不能自治

也

不進以道亡之原也

次三出于幽谷登于茂木思其珍穀

三木之王

故茂也十一月之時陽氣始胎到春而王故言出于幽谷登茂木也三為進人終必登高而享天祿故思珍穀

也 測曰出谷登木知向方也

出谷登高所向方遠也

次四即上不

貞無根繁榮乎虛名

四者兌兌為口口舌之人而在上也上不以正故言虛名親承於五

而非實也

測曰即上不負妄升也

處非其正故言妄升也

次五鳴鶴升

自深澤階天不恁

木在水下故稱深澤五在中中為天子位恁慙也詩云鶴鳴九皋聲聞于

天五處天位以其先治聲名然後升高猶舜耕歷山而升天位處之以正又何慙乎測曰鳴鶴不

恁有諸中也

以道居官得人之中心也

次六升于堂顛衣到裳廷人

不慶

六為宗廟故稱堂也宗廟之中威儀以禮今乃顛倒衣裳朝廷之人不善之也

測曰升堂

顛到失大衆也

廷人不善故失大衆也

次七升于顛臺或柱之材

臺謂八也七當上往八有高危之狀故稱臺也高危必墮而有良輔以自柱故言或柱之材也

測曰升

臺柱輔弗堅也

處高終顛故弗堅也

次八升于高危或斧之梯

為八

木故稱梯也或為九也九為金
故稱斧梯而見斧故知其危也
測曰升危斧梯失士民

也終於危墜故上九棲于菑初七後得基
九秋位萬物之所歸故稱

棲金在火世故為初七
測曰棲菑得基後得人也
改過修善

得天下之心也

☵ 一方一州干
天主陰家八木陽氣扶物而鑽乎堅鉛

然有穿
行屬於木謂之干者大寒氣也鉛陷聲也言是時陰氣堅乎上陽氣扶萬物下而鑽之則鉛然

而穿故謂之干干之初
初九鑽鑽于內隙厲
家性為干動輒

干時水性滔渝鑽土而下故曰
測曰九鑽于內轉九非

也

凡猶專也轉心不專故非也

次二以微干正維用軌命

火性燥暴其世為干

故能犯上干其非義順納其言故正也

測曰以微干正大諫微也

君能用諫道之

微妙也次三栝鍵挈挈匪貞

貞正也栝垂也鍵折也家性為干動則干時故垂垂折之

關故曰測曰栝鍵挈挈干祿回也

求祿不正故回邪也

次四千言

入骨時貞

四為言骨諭深也人必以正故貞也

測曰干骨之時直其道也

正諫直言是其道也

次五蚩蚩干于丘飴或錫之坏

坏未成反也五為土故稱

坏丘聚也飴美食也家性為干五處天位常有坏身約已干祿百福而反蚩蚩求非其正故或錫坏土之辱有

似晉文求食五鹿獲塊反國之慶也測曰蚩蚩之干錫不好也

見錫以土故不好也

次六幹干於天貞馴

六為宗廟故干天也馴順也干之以正故曰貞馴也

測曰幹干

之貞順可保也

順正于君何所不保也保安也

次七何戰解解遘

遘遇也七

為戈兵故言戰也在六之上故稱何戰解解戰多之貌七為無道之主主而無道多所逢遇猶何戰解解多絀絀羅

測曰何戰解解不容道也

解解多結故道不容也

次八赤舌

燒城吐水于鉞

赤舌謂九也兌為口舌八為木木生火大中舌故赤也赤舌所敗若火燒城

詩曰詒婦傾城口舌之由也金生水故吐水也水滅於火雖有傾城之言以水拒之災無由生矣

測曰

赤舌吐水君子以解崇也

崇猶禍也以水解火禍之散也

上九干于浮

雲從墜于天

九在干世而為之終終于富貴求不以義如浮雲也不義而富故墜於天也

測

曰干于浮雲乃從天墜也

不義之財終墜落也



一方一州三部三家

狩

天玄陽家九金上上象臨卦

陽氣彊內而弱外物咸

扶狩而進乎大

行屬于金謂之狩者陽氣在內而大陰氣在外萬物扶狩而上故謂之狩狩之

初一日入危宿七度

初一自我匍匐好是宜德

一為下人始當升上故匍匐也宜美

也家性為狩狩曼而進匍匐之兒也宜德謂五也五為君位故衆下之心樂從之也

測曰匍匐宜

德若無行也

匍匐而進之者若無人行也

次二熒狩矍矍不利有攸

往

熒者光明小見之貌從一至二道數尚微始當匍匐時而進取矍矍貪欲之意也今而見其光明後進承

陽失其家性故不利有所往也

測曰熒狩矍矍多欲往也

往故多欲也

次三

卉炎于狩宜于丘陵

三木故言卉二火也火生土土上之木故宜於丘陵也木之生陵進

長之道故言卉炎

測曰卉炎丘陵短臨長也

短相臨長大之貌

次四狩于酒食肥無譽

四為公侯故有酒食之道也酒食以成禮過則伐德家性為狩

狩而不止以至沈湎故無譽也

測曰狩于酒食仕無方也

唯酒無量無常方也次

五狩有足託堅穀

五土也土爰稼穡故為穀也亦為君位在扶狩之家故以足諭也臨長四

方祿以養賢故託之以堅穀也

測曰狩有足位正當也

正當君之位也次六獨

狩逝逝利小不利大

宗廟之義神靈所在故稱逝逝言其明也鬼神之道求之幽微故利

也小測曰獨狩逝逝不可大也

幽微之道細以入神也

次七白日臨

辰可以卒其所聞

辰時也七為日過時之王高而無民年老事終正在於五但當論道經書

自娛故言可卒其所聞也

測曰白日臨辰老得勢也

子世父位父得子榮故得勢也

次八蚤虱之狩厲

家性為狩亦狩附於人故以為喻厲危也蚤虱之性苟尋而進故危也

測曰蚤虱之狩不足賴也

動以致危故不足賴也

上九全狩秦其

首尾臨于淵

首始也尾終也九為極淵為一也秦者相春之義家性為狩旬旬狩而進從九反初

故臨于淵也

測曰全狩之秦恐遇困也

終始相狩常恐至於困也

三

一方二州一部一家

美

天玄陽家一水下亦象臨卦

陽氣積幽推包美爽未

得正行

行屬於水謂之美者言萬物尚為陰氣所包爽差也當差次而上今乃在下淫美土中未得正

行故謂之羨羨之初一初羨于初其次迂途

行屬於水一亦

為水家性淫羨流屈無常故言迂塗迂塗曲繁之貌也

測曰羨于初後難正也

淫羨

屈繁難正以直道也

次二羨于微克復可以為儀

羨邪也儀法也二為平人雖在

邪俗從之微淺而反正道故可以為法也

測曰羨微克復不遠定也

反之即是故不

遠也次三羨迂塗不能直如

三為進人進德修業而邪其道故不直也

測曰羨

迂塗不能直行也

家性邪迂故不能直也

次四羨權正吉人不幸

家性為邪四在臣位雖當從俗權而自正為如微倖之人也

測曰羨權正善反常也

反之於常法也次五孔道夷如蹊路微如大輿之憂

五君位也亦為大車

大車者所乘也家性為邪大道平
易舍而不從而從蹊徑故為憂也
測曰孔道之夷奚不

遵也

何不遵大道也奚何也

次六大虛既邪或直之或翼之得夫

夫

六處高位下之所宗故有直翼之佐矣夫正也佐之以直虛邪消除故曰得正夫也

測曰虛邪

夫夫得賢臣也

以正自輔故得賢臣也

次七曲其故迂其塗厲之

馴

馴順也家性為邪七為失志性邪道迂故厲也以五自奉血食萬姓故順也

測曰曲其故

為作意也

在上為神為神後祠作祐助之意也

次八羨其足濟于溝瀆面

貞

面向也貞正也溝瀆之難人所避也邪行避之則可以濟其世矣雖邪行避難所向則正也

測曰

羨其足避凶事也

向善避惡道之正也

上九車軸折其衡捫四馬

就括高人吐血

九金也金為乾君之象也括會也相折也軸折衡損故四馬會也高人賢者也

血以潤體祿以榮臣故以血為喻也

測曰軸折吐血終

不可悔也

臣之於君不合則去亦悔也

三

一方二州一部二家差

天玄陰家二火下中象小過卦

陽氣蠢關於東帝由羣

雍物差其容

行屬於火謂之差者立春節帝出于東陽氣用事羣生雍容在于地中差次而出故

謂之差差之初一日入危宿十六度也

初一微失自攻端

一為下人家性為差差次當上

而在火世常相克害而自

測曰微失自攻人未知也

微失

反正不為二五所知也

次二審其所好將以致其所惡

二火也而在火行二

火合同是其所好所惡者親

測曰竊其所好漸以差也

近於水水盛火衰故惡也

宜以漸差次三其亡其亡將至于暉光

木盛則華故曰暉光重言

而進之也其亡其亡者安不忘危戒懼也進德修業兢兢自懼防微慮無遂致光榮也

測曰其亡其亡

震自衛也

震懼恐懼警戒自衛護也

次四過小善不克

過去也四為公侯親近至

尊奉上接下唯善是務易曰小人以小善為無益而弗為也善不積不足以成名不為小善故曰不克克能也

小善不為終不能大善乎

測曰過小善不能至大也

小而為焉

次

五過門折入得此中行

門謂四中行謂五也家性為過見善而入則為正也五處天位

雖在過家不逮于義也

測曰過門折入近復還也

去過反貞故近還也

次六

大跌過其門不入其室

跌過也過門而去不入室者嫌為五所克水在大行心不自安

也測曰大跌不入誠可患也

患者克害之災也

次七累卵業業

懼貞安

業業危也貞正也七為火在大之行懼其炎威故危無道之王常如累卵故以諭而自戒懼故

正測曰累卵業業自危作安也

戒之以危危必安也

次八足累累

其步蹉躓輔銘滅麋

累累履也又見鉗銘輔麋掠剋故曰滅眉

也測曰足累累履禍不還也

不早自改故不還也

上九過其枯城

或藥青青

九為上極極上反下故藥青青枯虛也枯城謂故都也家性為過過位而上故歷故都也

測曰過其枯城改過更生也

窮上反初更生之謂也

三

一方二州童 天玄陽家三木

陽氣始窺物童然咸未

有知

行屬於木謂之童者立春之節萬物乎甲始出初

一顓童不寤會我蒙昏

木之初發蒙蒙然故言不寤也我三也三是進德修業之時今

一幼稚若初發之木未修小學不欲

測曰童不寤恐終

晦也

不早要三以

致晦闇也 次二錯于靈著焯于龜資出泥入脂

脂美也謂榮祿也二為火故曰焯著曰筮龜曰卜卜者

所以決疑言出泥入脂者言卜從考泥之中出求榮祿

之處 測曰錯著焯龜比光道也

比親也親求 次三東辰

以明不能以行

辰時也時明諭明師也家性為童童而未聞幸見明時不能行以求覺已之蒙

孔子曰聞義不測曰東辰以明奚不逝也何不往而學也次四

或後前夫先錫之光

前夫謂三也三見明師而未能就四雖在後從義從善親近於五附

著賢者先見榮飾故曰先錫之光也光謂公侯也

測曰或後前夫先光大也

得君

之光以為大也

次五蒙柴求兕其德不美

五處天位昇在童蒙之世若幼眇之君禮

儀未備盤于遊田蒙突林木以求兕獸雖實得之君子不貴故曰其得不美也

測曰蒙柴求兕

得不慶也

得之不道故不以所獲相慶也

次六大開帷幕以引方客

為

宗廟春秋祭祀以神事之故開帷幕延要賓客也

測曰大開帷幕覽衆明也

覽照

四方故明也

次七修侏侏比于朱儒

修長也七為無道故云侏侏侏侏無所知也朱

儒未成人也七雖長大而不學道侏侏然若未成之人也故以侏儒為諭焉

測曰侏侏之修

無可為也

侏侏無知何可為也

次八或擊之或刺之修其玄鑒渝

八為疾瘵故見擊刺以治其過修治也鑒鏡也渝變也家性為童大道未聞故修玄鑒以正其變也

測曰

擊之刺之過以衰也

疾瘵之至道之衰也

上九童廩觸犀灰其

首廩童犀角而相抵觸剛弱不等有勝有否也家性為童九為之終廩為八也犀為九也金剛木懦金克於

木故灰其首也

測曰童廩觸犀還自累也

抵觸於人皆己之累也

三

一方二州二部一家增中下象益卦

陽氣蕃息物則益增日宣

而殖

行屬於金謂之增者陽氣蕃息萬物布護而生殖長也日以增益故謂之增增之初一日入營室八

度初一聞貞增默外人不得

貞正也一為下人在增之世故聞正道增默然也默

然以自增不為外人所得見也

測曰聞貞增默識內也

為內人所識別也

次二

不增其方而增其光冥

火性炎上而在增世君子之道積小為高而不增其道而便猥

增耀之光故反冥也方道也冥晦也

測曰不增其方徒飾外也

光榮暴增故徒飾外

也次三木以止漸增

止足也謂株根增益益根而幹長求益之道也

測曰木止

漸增不可益也

宜以道實故不可虛益也

次四要不克或增之戴

四為

金在中稱要克勝也家性為金重剛之世而在增家故曰或增公侯之位受任甚重故增而戴也

測曰

要不克可敗也

難戴之重故可敗也

次五澤庫其容衆潤攸同

五土

也故稱澤家性為增每事皆增增之以謀則益增之以
奢則損故曰不增其方而增其光冥也今五處尊位反
若澤之庫衆水之所湊也老子曰江海所以為百
谷王者以其善下也五能自卑亦以所又邦國也

測曰

澤庫其容謙虛大也

卑謙自降道之大也

次六朱車燭分一日增

我三千君子慶小人傷

六為宗廟朝有朱車之飾錫自人君也燭照也照顯神靈以榮

生存也三千以諭多也詩云萬福攸同奉祠以禮三千之福亦慶也小人當之不勝其榮故傷也

測曰

朱車之增小人不當也

言不能當受神人之福祚也

次七增其高勿

其削丘貞

火生土故言丘丘能自削故貞猶君子處於高位而善下人亦其正也

測曰增

高勿峭與損皆行也

損己益人皆可行也

次八兼貝以役往益來

剔剔憂也古者貨貝五貝為朋八木也亦為弱弱王道微弱恩澤不行儉嗇禍急貨賂為市日以侵折下不

奉上故致憂也測曰兼貝以役前慶後亡也貨賂為市故為前慶終致禍禍故後

亡矣上九崔嵬不崩賴彼峽岬峽岬山足也崔嵬當崩而不崩者以有彊足之故也

九在增家猶高位之君而不危者以有賢輔之臣也能任賢自輔猶高峻之山賴峽岬也測曰崔嵬

不崩羣士橦橦也橦橦皆是多士而彊盛者也

太玄經卷一

太玄經卷二

漢揚雄撰

晉范望注

從銳至事第二



一方二州
二部二家
銳
天玄陽家五土
中中象漸卦

陽氣岑以銳物之生也

咸專一而不二

行屬於土謂之銳者立春之節終於此
首之次四雨水氣起於此首之次五斗

指寅太族用事陽氣岑登精銳萬物專一而生無
有差二故謂之銳銳之初一日入營室十三度
初一

蟹之郭索後蚓黃泉

一水也故稱泉亦為介故稱蟹五
為裸故稱蚓言蟹之後蚓者用心

之不一雖有郭索多足之蟹不及無足之蚓也

測曰蟹之郭索心不一也

用心不一

故後

次二銳一無不達

火性上達既以火德而處銳家在其土行并力俱上故言無不

達也 測曰銳一之達執道必也

專一之故必上達也

次三狂銳盪

三

進人但當進德修業而已在於銳家未見挫折故言銳盪也

測曰狂銳之盪不能處

一也

狂盪之人故不一也

次四銳于時無不利

時者得其時也銳而必利故時無不

利也 測曰銳于時得其適也

銳以時宜故得其適也

次五銳其東忘

其西見其背不見其心

家性為銳苟自銳進進東則忘西見背則遺心不本道實故言銳

也 測曰銳東忘西不能迴避也

銳東亡西故不求所宜也

次六銳于

醜舍于五軌萬鍾貞

醜類也鍾聚也五軌五行也六水也雖在銳世而不失法從五行之

性銳達於類萬福之所聚故正也

測曰銳于醜福祿不量也

萬福所鍾故不可量

數次七銳于利忝惡至

火在銳家故言利也忝辱也君子之道銳于仁義則吉銳于色

利故惡至也

測曰銳于利辱在一方也

六辱於七在南也

次八銳其

銳救其敗

未在本土行故相克敗言銳者以未定本既非其宜故銳其土之銳故救敗

測曰

銳其銳恐轉作殃也

恐作殃禍克其本也

上九陵崢岸峭

險也

謂崢嶸也峭峻崢嶸高峻將墮於下故言危也

測曰陵崢岸峭銳極必崩也

高峻

而銳必崩墮也



一 方二州
二 部三家

達

天玄陰家六水
中上象泰卦

陽氣枝枝條出物莫不

達

行屬於水謂之達者言陽氣日威布施萬物也枝條
枝末莫不達者故謂之達達之初一日入壁宿一度

初一中冥獨達迥迥不屈

中心也心深稱冥迥通也屈
盡也一中心冥冥獨達於事

故通而不盡也測曰中冥獨達內曉無方也

言其所曉通於
四海非一方也次

二迷腹達目

二為目又為火腹在水之間水克於火息
心不施故迷腹也家性為達目明外照故

目達測曰迷腹達目以道不明也

目為心視
故其明也

次三蒼木

維流厥美可以達于瓜苞

東方為春故青木也維流枝
枝垂貌也瓜苞尋蔓於地木

不下其枝枝則不得繁而蔓之而達於上民弱
於下君不施仁以存恤之上下懸絕不相及也

測曰蒼

木維流內恕以量也居高恕下民所附也次四小利小達大迷扁

扁不故四為金陰稱小金稱利陰中之金故小利也四為下祿故小達也不能進賢專於小利故大迷

也測曰小達大迷獨曉隅方也迷不四達知一方也次五達于中

衢大小無迷五為土土而四達故稱衢家性為達而測

曰達于中衢者四通也無所迷或次六達無眇不要

止洫作否眇眇也也要也神正之謂何罪測曰

大達無眇不可偏從也神祐以福次七達于砥割前

亡後賴攻斷之也莫終乎火故稱砥割也次八

宿菜故為前亡以生五穀故後賴也

測曰達

于砭割終以不廢也

除故生新不廢事也

次八迷目達腹

八木七為目目

在木下故迷目達則心精故達腹也

測曰迷目達腹外惑其內也

有目而迷外惑

也上九達于咎貞終與

九在水家家性為達欲反克之故言達于咎也雖咎而貞必達

於咎而預防之故有譽也

測曰達咎終譽善以道退也

以道防咎故善退也

三

一方二州三部一家

交

天玄陽家七火上下亦象泰卦

陽交於陰陰交於陽物

登明堂喬喬皇皇

行屬於火謂之交者雨水之氣大族用事陰陽交泰萬物登明土在地上

故稱明堂喬喬物長春風之聲貌也皇皇猶熒熒也物長順節枝枝營營而順風交泰之時故謂之交交之初

一日入壁宿六度

初一冥交于神齊不以其貞

一北方也故冥冥闇昧也亦為

鬼神北方太陰陰者鬼神之府也家性為交交於鬼神必以肅敬齋也貞精誠也交於鬼神雖在冥間不以精誠神弗福也

測曰冥交不以懷非含慙也

冥間不肅故包慙也

次二冥

交有孚明如

孚信也二為平人平正之人交於神明必以誠信故曰有孚也

測曰冥交

之孚信接神明也

明中平正接神信也

次三交于木石

三木四石家性為交

石木相克而反交通非其所也

測曰交于木石不能嚮人也

舍人交石非所嚮也

次四往來熏熏得亡之門

禮尚往來必相往來交報有章故熏熏也交接之通上下

相顧亡猶絕也不相交報道廢絕故言得亡之門也

測曰往來熏熏與神交行

也

往來以道行之福也

次五交于鸞猩不獲其榮

五處尊位交必其人以自匡佐

交非其類何榮之有四為毛屬故稱鴛鴦禮記曰鴛鴦能言不離鳥獸君子之道無友不如己者況禽獸乎

測曰交于鴛鴦鳥獸同方也

方道也交非其

次六犬圈

閔閔小圈交之我有靈穀與爾穀之

圈國也閔閔敦美之意也六為宗廟

齊晉江奇書有朝聘之道小國入貢必先告之宗廟故言靈穀二國交接動以禮合故言有穀共之也 測

曰大小之交待賢煥光也

相交以禮煥有光儀也

次七交于鳥鼠

費其資黍

七為飛鳥亦為鼠又為弱王王弱於治而好異端牧養禽獸鳥鼠之類故言費也

測

曰交于鳥鼠徒費也

無益之費故言徒也

次八戈矛往來以其貞

不悔

八為矛九為戈象木銳若矛也戈則生枝亦其象也八交于九法當相克家性為交善交則和不教

民戰是謂弃之農隙之間講武習兵往來戈矛交於道路無犯非禮故貞貞正也以道正之故曰不悔也

測曰戈矛往來征不可廢也

講習以時不廢弃也

上九交于戰伐

不貞覆于城猛則嗽

古者治兵以征不義侵伐不止為衆所怨必為大國所吞滅也故有

覆城吞嗽之憂有似齊桓不修其師大陷沛澤而執濤塗也春秋譏之也

測曰交于戰伐奚

可遂也

遂猶久也戰伐之事何可久也

☵

一方二州三部二家

熒

天玄陰家八木上中象需卦

陽氣能剛能柔能作能

休見難而縮

行屬於木謂之熒者雨水氣終於此首之次七驚蟄起於此首之次八是時陰尚在

上萬物滋生猶以為難陽氣當上剛柔隨時休動未定熒而自縮故謂之熒熒之初一日入於奎宿一度也

初一赤卉方銳利進以退

赤卉草木萌芽也銳進也草木之進能如水浸尋以長日

以上進家性為
更故以退也

測曰赤卉方銳動以退也

當進害陰故動退者也

次二更其心作疾

作為也二七為火亦為心火在陰中更而不進故作疾也中火所作故心

疾測曰更其心中無勇也

更縮之性故無勇也

次三更其鄰守其

節雖勿肆終無拂

三為進人而在更家不能自退守節而已不敢肆行終無過差之所拂除

也測曰更其鄰體不可肆也

更縮之世不可肆行已意者也

次四更其

哇三歲不噲

四為兌故稱哇噲喙也家性為更更而自退故不喙也

測曰更哇不

噲時數失也

更縮不言故失時也

次五黃茵不誕俟于慶雲

茵不申之

觀家性更退謙以自牧見居天位德澤藏洽上應乎乾故有慶雲之瑞也測曰黃菌不誕侯

逮耦也

嘉慶之會必相俟也

次六縮失時或承之菑

六為宗廟君之所奉祭如

神在四節不愆家性更縮又不及時故菑承也

測曰縮失時坐逋後也

後於時節故乃

災生也

次七誄其節執其術共所殤

七木子也屈節奉上於道不違故言執術

術大道也殤盡也節於道執父之業殤身而已也

測曰誄節共殤内有主也

謂主

父也子繼父事為家之主也

次八竅枯木丁衝振其枝小人有災三

邾鉤羅

家性為更縮木而更縮故竅枯也竅枯之木而當衝風故振也八為疾癢也故稱小人小人而

更終於邾退故鉤羅也上則有金金木相近鉤羅之意也

測曰竅木之振小人見侮

也

鈎羅於金故見侮也

上九悔縮往來復

金在木行動相剋害故悔縮金剛當進故

言往去更縮之家故來復也

測曰悔縮之復得在後也

九為其終故在後也

䷗

一方二州三部三家 僖

天玄陽家九金上上亦象需卦

陽氣有僖可以進而進

物咸得其願

行屬於金謂之僖者驚蟄節也僖侯皆待也言陽氣待時而行萬物須陽而長各得

其願故謂僖侯之初

初一冥賊僖天凶

冥陰也子在其母行火之上火

盛金哀

故陰賊人者則

測曰冥賊之僖時無吉也

陰賊之人

天賊之故言待天凶也

無有吉時也

次二冥德僖天昌

火盛金衰家性為僖動相須待以害其本不即炎起故天

昌之也陰得陽報此之謂也

測曰冥德之僖昌將日也

謂昌日益大之也

次

三侯後時

木在金行恐見克害故侯後時也亦為進人進德修業宜當及時須待之家動則稽退故

言後也

測曰侯而後之解也

宜進不進故解急也

次四誣其角直其

足維以侯穀

金性剛直故以角諭言屈刺害之角直足而行唯善是務故言侯穀穀善也

測

曰屈角直足不伎刺也

角而屈屈故刺害之也

次五大爵集于宮

庸小人庫侯空

土稱宮庸處天之位高德所歸如大爵之集高牆也小人諭無德之人非祿所

秩必譏素餐故侯空也

測曰宮庸之爵不可空得也

以德致祿不可妄受之也

次六侯福貞貞食于金

貞正也六為宗廟神人王食故言食于金六亦為水金之所生

子順母事故正也子之初生須母養故曰食金也

測曰侯福貞貞正可服也

待福

以正可服者也

次七僖禍介介凶人之郵

郵謂郵亭舍也七為大威則鑠金故稱凶

人而待于禍在七之位故謂之舍介介有害也

測曰僖禍介介與禍期也

介介之禍

應期至也

次八不禍禍僖天活我

三八木也三興于春八衰於秋近比於九秋氣將降

故言不禍禍也家性為待內省無瑕時節宜耳故須天活到春蕃生知其所望故言天活我也

測曰禍

不禍非厥說也

天時使然故非其過也

上九僖僖天撲之顙

行不

正稱僖顙頭也九為之終行不正之道待天禍撲之也

測曰僖僖之撲終不可治

也

惡至禍應故不治療也

三

一方三州一部一家

從

天玄陽家一水下下象隨卦

陽躍于淵于澤于田于

嶽物企其足

行屬于水謂之從者言陽氣偏接此四處萬物莫不企足欲長而從之故謂之從從

之初一日入奎宿十度

初一日幽嬪之月冥隨之基

日君象也嬪羈嬪也月臣

象也一在水行水中之日若在大難未發其明月而從之若旦之日日在月前故言隨之君臣道正故為基也

測曰日嬪月隨臣應基也

君臣相應道之基也

次二方出旭旭朋

從爾醜

二陰也在離為日陰中之日故方代也旭旭未明之間醜類也日方出旭旭之時羣類莫不望

之而從故曰朋從而醜也

測曰方出朋從不知所之也

日之光明無常所也

次

三人不攻之自牽從之

木性上升君子之道有過則改不待攻治而自申率相牽為善

故言從之也

測曰人不攻之自然證也

牽從於善證則也

次四鳴從

不臧有女承其血匡亡

四酉也為雞故稱鳴臧善也其位陰廢故鳴不善也陰故稱女

亦稱血血憂也匡所以盛也

女不親詳承憂自盛故亡也

測曰鳴從之亡奚足朋也

承匡之女不足為朋黨也

次五從水之科滿

科法也水之法不滿不行五為子動以法度

如水平也

測曰從水滿科不自越也

動以法度故從科者也

次六從其

目失其腹

目以諭外腹以諭內事不兩得從外失內非所以敦仁也

測曰從目失腹

欲丕從也

外內宜備故欲大從也

次七拂其惡從其淑雄黃食肉

拂去也淑善也七為失志失志行張故宜除去如雄黃之除惡害也

測曰拂惡從淑救凶

也去惡從善次八從不淑禍飛不逐

順從之家動宜從善八為瘡病所從

不善如禍之成不可逆
止故曰禍飛不逐也

測曰從不淑禍不可訟也

所從不善

故不可辯訟而解也

上九從徽徽後乃登于階終

子在其母家而相從順故徽徽

也言于階者九而從善
必登聖門故言階也

測曰從徽徽後得功也

從善故有功者



方三州進

天玄陰家二火下中象晉卦

陽引而進物出溱溱開

明而前

行屬於火謂之進者言陽氣引萬物而長溱溱然日以舒布開明而前謂之進進之初一日入

奎宿一十五度

初一冥進否作退母

水在火行家性為進而火在前見害而退故作退母

也水為冥故冥進也

測曰冥進否邪作退也

以道不正故退之也

次二進以

中刑大人獨見

刑法也二為平人家性為進進必以法故言進以中刑也進必以法故稱大人

大人有獨見之明故言獨見也

測曰進以中刑刑不可外也

進以中刑故不外也

也次三狂章章不得中行

三為進人家性為進進不得中故章章也三亦為出出而

失道故謂之狂也

測曰狂章章進不中也

進而失道故不中也

次四日飛

縣陰萬物融融

日君子也懸消也陰小人也四為公侯故稱日也陰中之日列國之君知非天

子也君子而消小人太平之道也太平之道萬物茂壯故曰融融也

測曰飛懸陰君道隆

也萬物得所故隆盛也

次五進以權䟽或杖之扶

權䟽附離也五為天子而在進

世當以聖道附離於臣臣則盡忠輔佐於上故曰或杖之扶扶助也

測曰進以權䟽制于

尊也

五位至尊東所宗制也

次六進以高明受祉無疆

高明五也高明之君

奉祠神靈齊戒盡敬不失禮儀故受祉福無疆界也

測曰進以高明其道迂也

及福

子孫其迂也

次七進非其以聽咎窒耳

七為失志故進非其以也君子之道思患

改過樂聞所惡聽咎塞耳非所以為賢也

測曰進非其以毀滋章也

惡聞其咎咎日

多也次八進于淵君子用舩

八木也木而進淵知為舩以濟水猶君子之濟民也

測

曰進淵且舩以道行也

進淵得舩以其道也

上九逆憑山川三歲

不還

九為上山故逆也三終也家性為進進而不還已故終歲也山川高險終歲不還以喻難也

測曰

逆憑山川終不可長也

不可久長者也

方三州釋

天玄陽家三木下上象解卦

陽氣和震園煦釋物咸

稅其枯而解其甲

行屬於木謂之釋者驚蟄節終此首次二春分氣起于此首次三斗指卯

夫鍾用事震動也園陽氣形勢也煦暖也謂陽氣溫暖

萬物咸稅枯解甲而生於太陽之中也故謂之釋釋亦

解也釋之初一

初一動而無名首首西方也水為金子

日入妻宿三度

初一動而無名首

孝子之道無所成名

歸功於母故

測曰動而無名不可得名也

歸功于父不可名有也

次二動于響景

火之然也不風不威威則景耀而聲揚故言動于響景也

測曰動于響

景不足觀聽也

聲而不音何足聽也

次三風動雷興從其高崇

三

東方震巽之位故稱雷風風動於下雷發於地上歸于天二在其上可高而尊故稱高崇也

測曰風

動雷興動有為也

風雷動物為天下作用也

次四動之丘陵失澤朋

四為澤朋類也五為土土為丘陵也去四即五故動之丘陵也以諭於人去卑即尊去澤之陵也

測曰

動之丘陵失下危也

處高失舊故下危也

次五和釋之脂四國之

夷

和脂諭濡協也五在釋家而處天位動以濡協於鄰國以平四方故言四國之夷夷平也

測曰和

釋之脂民說無疆也

以和得民故說也

次六震于廷喪其和貞

貞正也六為宗廟五在六下故言于廷震怒也五以和順和平四國當歸功先神告成祖考家性為釋唯解而

已神怒民怨故

測曰震于廷和正俱亡也

先和後怒故皆亡也

次

喪其和正也

七震震不悔濯漱其詢

七為失志而自震怒不悔於人雖見詢怒垂自解釋如濯漱垢

辱去其微也

測曰震震不侮解恥無方也

見侮而解無常辱也

次八震

于利巔仆死

六七八皆稱震者震動也六為母而生八八相假威勢故皆稱震也九為金金為利

動欲之九為金所克故巔死也

測曰震于利與死偕行也

行財利之事死之原也

上九今獄後穀終說桎梏

說解也九為極極於刑獄故桎梏也家性為釋雖其見獄

終必解釋也故用說桎梏也穀善也先獄後善故離於難也

測曰今獄後穀于彼釋

殃也

殃謂七也火為金殃九復於一水釋火也

三

一方三州二部一家格

天玄陰家四金中下象大壯卦陽氣內壯能格乎羣陰

攘而却之

行屬於金謂之格者陽氣內壯格拒羣陰也攘却而上故謂之格格之初一日入婁宿八

度初一格內善失貞類

貞正也內善親屬之善者家性格乖不與賢者共治其親之善

者各自奔亡若微子去紂也

測曰格內善不省也

失其親屬故中外之親不見循理也

省循者也

次二格內惡幽貞類

惡為一也一在於內一水二火來克於二故言內惡若惡

親也親之惡者格而去之以明正道無所阿也

測曰格內惡幽貞妙也

妙美善也不阿

其親正道之妙也

次三裳格鞶鉤渝

革帶曰鞶鉤所以屬鞶也渝解也裳垂其帶故鉤解

也三在下體下體之帶故言裳也

測曰裳格鞶鉤無以制也

鉤帶俱解故無以制

節其身也次四畢格禽鳥之貞

畢罔也西方之宿畢取象馬羅畢取鳥不破卵覆巢

故為正也

測曰畢格禽正法位也

以道取之故法位正也

次五膠漆釋

弓不射角木離

五為天子漆釋喻不密易曰君不密則失臣此之謂也弓以喻臣角以喻身家

性為格故相乖離君臣相失如弓不發也

測曰膠漆釋信不結也

君臣相失故信不結

固也次六息金消石往小來奔

奔大也美稱金惡稱石金生水善畏惡除故小去大

來也測曰息金消石美日大也

小往大來故曰大也

次七格其珍類

龜綢厲

厲危也七為失志高亢其位故印綏危龜為印綢為綏謂小綏也

測曰格其珍

類無以自匡也

垂於其官故無以自匡輔也

次八格彼肇堅君子得時

小人剔憂否

八為君子九為小人君子在位不畏彊禦故革肇堅也謂格九而上也小人在位以

治其憂故否也測曰格彼肇堅誼不得行也

九品有序誼不得妄所行也上

九郭其目驕其角不庫其體撲

撲擊也九為角七為目九當見格而不卑身以

免于難而反郭目故難免也

測曰郭目解角還自傷也

不遽求免故自傷也



一方三州二部二家

夷

天玄陽家五土中中亦象大壯

陽氣傷剔陰無救癘物

則平易

行屬於土謂之夷者春分氣也於四分一息卦為大壯陽升在四去天正朔旦日剔除也癘病

也言此時陽氣上在天下除去癘病故萬物平易而長謂之夷夷平也夷之初一日入婁宿十二度初一

載幽貳執夷內

夷平也載始也幽心也貳業也水性平易中表如一故言夷內也

測曰

載幽執夷易其內也

易者夷平也水之平正內外可見也

次二陰夷冒于

天罔

二為平人在陰之位陰自夷平雖冒天罔不為罪也

測曰陰夷冒罔䷗不失

也

雖疏於罔不失正平也

次三柔嬰兒于號三日不嘔

柔和也嘔憂慕之聲

也號而不嘔故知為嬰兒也亦為多子兒之類也三以柔和之性處平易之家故不憂也

測曰嬰兒

于號中心和也

三為五中故中心和也

次四夷其牙或飫之徒

四為

口亦為金口中之金知為牙也飫厭也夷傷也冒于飲食而不知厭讓故牙傷也

測曰夷其牙

食不足嘉也

食而不讓何善足嘉也

次五中夷無不利

五為天子處夷平之

世行中正之道化流四海莫不易利故言無不利也

測曰中夷之利其道多也

利化

天下故言多也次六夷于廬其宅丘虛

六水五土土為水廬宅水為土丘虛夷傷其廬

室故宅為丘虛也

測曰夷于廬厥德亡也

廬為德覆而為丘虛故亡也

次七

幹柔幹弱離木爻金夷

夷傷也火附於木而治於金故金傷也以正輔上而協斷金以

治於民猶火輔於木以治金也

測曰幹柔爻金弱勝強也

以懦得民故勝也

次

八夷其角厲

秋則木廢葉落歸本鄂若角也厲危也角而見夷故危也

測曰夷其角

以威傷也

角而見傷故夷角者也

上九夷于耆利敬病年貞

貞正也九

為老極而在夷世世雖平易養老乞言傷於思慮故言夷于耆也恭敬守道盡力為禮故病極年無愆故貞也

測曰夷耆之貞懸車鄉也

致仕懸車在鄉閭也



一方三州二部三家

樂

天玄陰家六水中上象豫卦

陽始出奧舒疊得以和

淖物咸喜樂

行屬於水謂之樂者春分氣終此首之次五清明氣起于此首之次六奧暖也疊積

也言是時陰氣已消陽氣息上萬物暖暖積滯舒生和
渾百卉莫不喜樂故謂樂樂之初一日入胃宿五度

初一獨樂款款及不遠

水性淪下一獨在下不交於上故獨樂也款款獨樂貌也喜樂

之事與衆共之所及不遠故款款也

測曰獨樂款款淫其內也

樂不及遠故淫內也

次二樂不知辰于天

火性炎上而在樂世故恒喜而不知也辰時也時於天時以生萬物

亦所以為樂也

測曰樂不可知以時歲也

事天以意以樂歲事也

次三不

宴不雅噪呱啞咋號眺倚戶

三為進人始當及時未有官爵故不宴遊有雅樂也

噪呱號眺皆憂聲也三亦為戶憂樂失節故倚戶也先憂後喜知不雅也

測曰不宴不雅禮

樂廢也

憂樂不節故廢之也

次四拂其繫絕其縶佚厥心

四為公侯縶網

也佚樂之家不謹禮節故有網繫之事金
性剛直拂而去之上輔於五故其心佚
測曰拂其繫

絕縶心誠快也得伸臣節次五鍾鼓喑喑管絃濟濟或

承之哀喑喑和聲也濟濟憂悲也五為天子當總理萬
機樂而無節有似商紂牛飲長夜哀承憂興終

以失位也測曰鍾鼓喑喑樂後悲也極樂憂興故
乃後悲也次六大樂

無間民神禽鳥之般般樂也宗廟之中神人以和故大
樂也天位施絕血食不供聖體不

繼故稱民神與禽獸為樂也測曰大樂無間無不懷也懷思也思宗
廟之中事神

明次七人嘻鬼嘻天要之期七為失志鬼以諭明嘻笑
樂之貌也家性為樂故有

嘻笑之驩失志道窮故要之以期也六為七鬼水王而火死也測曰人嘻鬼嘻稱樂畢

也早宜自樂水盛大哀而天期訖也

次八嘻嘻自懼亡彼愆虞

八木也到秋而

懼故先嘻嘻也愆過也過虞不戒故亡也

測曰嘻嘻自懼終自保也

保安也而常自

戒則是救憂患之道而終自安也

上九極樂之幾不移日而悲則哭泣

之嗟資

九為極家性為樂樂極憂興故哭泣嗟資憂哀之貌也易曰齋資涕洟此之謂也窮上反下災

在下句故移日而悲哀也

測曰極樂之幾信可悔也

憂咎一至悔何及也



一方三州爭

天玄陽家七火上下象訟卦

陽氣汜施不偏不頗物

與爭訟各遵其儀

行屬於火謂之爭者言陽氣汜施于上無私于下故萬物爭訟而長各遵

其儀容故謂之曰爭之初一日八胃宿九度初一爭不爭隱冥

水性柔順故爭為下爭以

正國卑以致高故隱實也

測曰爭不爭道之素也

爭居下流道之美素也

次二

赫河臞

赫虛也臞耗也河為水百川所聚二

測曰赫河

之臞何可慙也

水火相害不可怙恃也

次三爭射齟齬

齟齬齟齬戲笑之貌也三

為進人進德修業在于大射君子心爭終無閑狠故齟齬戲笑也

測曰爭射閭閻君子

讓鄰也

揖讓而升故讓鄰也

次四爭小利不酋貞

貞正也酋就也四金也金以木

為利火世炎上利以遠及三則退故曰不就不就小利故貞也

測曰小利不絕正道乃

昏也

小利為爭故正道昏亂也

次五爭于遠利以無方

五處中位故稱遠遠九遠

道也五為天子執德中也

測曰爭于遠爭處中也

三欲射上為四所抑故爭處中之位

次六臂膊脛如股脚膜如維身之疾

膜大也枝大於幹臣大于君皆為疾

也六為宗廟下之所奉而在爭世不隆禮讓故為疾也

測曰臂脛如股臣大隆也

君微臣或足

次七爭干及矛鞬用亨于王前行

干盾也矛戈也

鞬甲也亨通也七為戈兵而在干家動作則爭鞬甲何文以禦不善故利用通王之前道

測曰干矛

之爭衛君躬也

詩云伯也執殳為王前驅此之謂也

次八狼盈口舌在其

後

八東方寅為虎故稱狼亦貪狼之意也雖當貪狼求盈口之食猶見謀活也故天攻在後七為弓弩以八

為狼也

測曰狼盈口不顧害也

狼貪不已弓矢在後不顧其害也

上九兩

虎相牙知掣者全

九八俱為虎故稱兩虎也家性為爭金木相害兩虎之爭勢不俱生兩君

之爭勢不俱立其知命者可以得全矣金王木死故命有所在也

測曰兩虎相牙知所

制也

雖當俱爭宜知



一方三州三部二家

務

天玄陰家八木上中象盡卦

陽氣勉務物咸若其心

而總其事

行屬於木謂之務者言陽氣已布勸勉萬物及時長大成同其心而總其事故謂之務務

之初一日入初一始務無方小人亦用罔

在務之初故言始也無方

無常方也水出於泉而汙百川故無常也罔謂小人之知未知所向猶泉初發蒙蒙然也陰家之陽故稱小人

也測曰始務無方非小人所理也

無方之務非小人之所能理也

新鮮自求珍絜精其芳君子攸行

二為火故稱新鮮新鮮清絜之貌也求之

於已故自珍也陰家之陰故稱君子攸所測曰新鮮自也精其芬芳所行以道故曰君子攸行也

求光于已也

守道治身光由已出也

次三不拘不掣其心腐且敗

三在木行陰家之陽宜自抑損制從於陰而自推本二木重生故不拘也宜制不制故曰心敗也

測曰

不拘不掣其體不全也

臨事縱心不拘體制故敗不全也

次四見矢自

升利羽之朋蓋戴車載

四為金故稱矢矢而自升羽之力也羽金朋合乃後而飛猶君

臣同心乃馳風化也四為公侯故稱蓋車車之載物猶君子之濟世也易曰君子得車尚可載也此之謂也

測曰矢及蓋厥道然也

然猶是也濟世之君故乃是其道也

次五蜘蛛之

務不如蠶之綸

五為天子而在陰家有務之名無益于世五亦為裸故稱蜘蛛蜘蛛有絲雖其

勉務非人所用則不如蠶一綸之利也

測曰蜘蛛之務無益人也

陰家之陽無益

於世人也

次六華實芳若用則臧若

臧善也若順也六為陰尊宗廟之道既華而實

故善順也

測曰華芳用臧利當年也

奉之以敬年壽得其當也

次七喪其

芳無攸往

攸所也謂往火之所務焚燒山林不別嘉卉故喪其芳也芳而見喪往復何之故無所往

也測曰喪其芳德以哀也

七為失志故德哀也

次八黃中免于禍

貞

貞正也八為土中在中曰黃家性為務務德與和則禍不能害也禍不能害故正也

測曰黃中

免禍和以正也

居中免禍行所致也

上九務成自敗雨成自隊

金生

水故為陰家之陽小人之道家性為務務本慮始積小求高便乃求成如雨隊也

測曰務成自

敗非厥命也

速則不達非天命所祐也



一方三州三部三家

事

天玄陽家九金上上亦象蠱卦

陽氣大冒昭職物則信

信各致其力

行屬於金謂之事者言陽氣大覆於萬物之上以明其所生職各自信於時節而生

長致其力以成生民之業故謂之初一事無事至無不事

一水也晝夜不休故言至無不事也有事而云無事不德其功也性當歸下于母相長故無有事於世也

測曰事無事以道行也

不言其功道大行也

次二事在樞不吝不

諉喪其哲符

樞始也二為平人始不吝諉為一所克以至於敗故言喪其符也

測曰不

吝不諉其知亡也

事不吝於謀故乃亡也

次三時往時來問不容

釐

三為春春秋冬夏四時來往氣數相襲不容毫釐也

測曰時往時來不失趣也

四時往來不失天地之趣也

次四男女事不代之字

四陰也而金居之金者乾故言

男在陰之位故男女事也男而女事猶為不宜況於字育故不代也

測曰男女事非厥務

也男之代女非其務也次五事其事王假之食

五為天位處于中央政事所由不違

於道為天所祐故先王假之以福祿也

測曰事其事職所任也

政事由上故任其職

也次六任大自事方來不救

宗廟之道先祖所居故任太也自事以福故言方來

不以其道神弗恤也

測曰任大自事奚可堪也

鬼神不救不可堪也

次七丈

人扶孤豎子提壺

七為祖父故稱丈人丈人丈夫之人五則其孫介于大川不近於母故宜

扶育也壺禮也豎子謂九也金為火孫故稱豎也提用也金宜克木今用禮讓不相克害以成事家相扶之道

也測曰丈人扶孤小子知方也

方禮法也用禮於六故以釋九不克八也

次

八男女事十年不誨

誨教也八為長男而在陰位故女事也十陰數也年歲終也以男為

女故終歲不教也

測曰男女事終家不亨也

男女易位家道不通也

上九

到耳順止事貞

貞正也到耳逆聞也順行也九在事家而為之終終行時事雖有逆聞之言亦

順其道而行之也不以言先而舉於人唯正是與故正也

測曰到耳順止逆聞順行

也逆聞順行隨事宜也

太玄經卷二

謹案卷首第一頁後一行仲子以所解付奇刊本
仲訛佚據上文及別本改

第一頁後五行竊緣先王詢于芻蕘之誼刊本竊
訛加據別本改

第二頁前七行子常稱揚雄書豈能傳於後世乎
譚曰刊本脫此十五字按此所引係漢書揚雄
傳文今據增

第二頁後四行乃者以朝賀刊本賀訛駕據張河

問集改

第三頁後五行冀君子之前睹刊本前訛將據漢書揚雄傳改

第六頁前二行故為二百四十三表也刊本三訛二據漢書揚雄傳改

第七頁前八行若汝南桓譚君山刊本桓訛栢據後漢書改

第十三頁前六行中者萬物之始刊本誤接上行

勤養下按此釋天玄內中首之義宜提行起今
改正

第十三頁前八行親者貴以其身下人按此釋地
玄內親首之義刊本自親者至故君子去之也
一段誤移在下喟者節之後今改正

第十三頁後四行象否卦刊本卦字誤提行起今
改接寫

第十四頁太玄圖前半人玄三部下一家飾刊本

飾訛餽又人玄二部下一家晦刊本晦訛眩又
人玄三部下二家勤刊本勤訛覲並據本書首
名改

卷一第二頁前八行五行之性刊本性訛姓今改
第五頁前七行宜天位也刊本宜訛於據趙如源
本改

第五頁前八行月闕其博刊本博訛博據卷末釋
音及趙如源本改下並改

第五頁後三行萬物當成就業刊本物下複衍物

字今刪

第六頁前六行為天杠抽按抽字疑軸字之訛又
檢趙如源本杠抽作樞紐但本書卷末有杠字
釋音似作杠軸為是今仍之

第八頁後一行登在高丘刊本高上衍一丘字今
刪

第九頁前三行季冬土伏刊本伏訛復據經文改

第十頁前五行世自閑磳刊本磳訛閑據本首首

辭改

第十頁前六行三一方一州二部二家刊本訛作

三二方一州二部一家與後裴首同今據卷首

玄圖及晁說之易玄星紀譜改

第十一頁後五行初為下人刊本初訛赤今改

第十三頁後三行然後升高刊本升訛聲據經文

改

第十六頁後七行三一方二州一部一家刊本訛
作三一方二州二部一家與後增首同據卷首
玄圖及晁說之易玄星紀譜改

第十七頁後一行大車者刊本者訛老據趙如源
本改

第十九頁後一行童然咸未有知刊本童訛僮據
本首及趙如源本改

第十九頁後三行我三也刊本三訛為今改

第十九頁後八行不能行以求覺已之蒙刊本脫以字覺訛意並據趙如源本增改

第二十頁後七行三一方二州二部一家刊本訛作三一方二州三部一家與後交首同又中下刊本脫此二字並據卷首玄圖及晁說之易玄星紀譜增改

第二十一頁前七行故曰或增刊本故訛或今改第二十一頁後一行今五處尊位刊本尊訛夫據

趙如源本改

第二十二頁前三行賴彼峽岬刊本峽訛峽據卷末釋音及司馬光傳家集讀玄篇改注並改

卷二第一頁前行立春之節終於此首之次四雨水氣起於此首之次五刊本四訛二五訛三以本書節氣分數合首贊分數推之立春氣起於差首之次二一十三分二十一秒每氣得一千二百三十二分二十三秒每首得三百六十

四分一十六秒每贊得四十分一十六秒則立春節終於此首次四雨水氣起于次五無疑今改正又斗指寅太族用事刊本脫斗指寅三字用事下行於次四三字據易玄星紀譜增刪

第五頁後二行動以退也刊本訛退以動也據本注及趙如源本改

第九頁後五行日飛縣陰刊本縣訛懸據卷末釋音改

第十三頁前二行故難免也刊本難訛體據趙如
源本改

第十三頁前四行去天正朔旦日按此句上下疑
有脫文

第十四頁前八行春分氣終此首之次五清明氣
起於此首之次六刊本五訛四六訛五按春分
氣起於釋首之次三二十六分一十秒至此首
次五始滿一氣而次六即清明氣起矣今改正

第十六頁前二行為火所燥刊本脫為火二字據

趙如源本增

第十七頁前六行而汭百川刊本汭作流按卷末

釋音云汭流字古文今據改正

第十八頁前三行奉之以敬刊本敬訛數據趙如

源本改

第十八頁前四行攸所也刊本攸下複衍攸字今

刪



總校官中書臣吳紹濬
校對官檢討臣李學錦
謄錄貢生臣王詢